

զնա չհայլ 'ի դառնութիւն ժամանակին եւ յաղքատութիւն Աթոռոյն եւ մի ունկն դնել բանից օտարաց , այլ արկանել ձեռն 'ի գործ շինութեան , զի ինքեանք պատրաստ էին օգնել նմա :

Հասին թուղթք , Վերակացուք և Ոստիկանք յերուսաղէմ , և զինի առուրց ինչ կազմեցաւ ատեան մեծ յապարանս Բզեշխին . Դատաւորն եւ ամենայն մեծամեծք այլազգեաց , եկին ճարտարապետք որմնադիրք եւ որք միանգամ տեղեակիք էին գործոց շինութեան . հրաւիրեցան անդ թարգմանք և Փոխանորդք երկց ազգաց , և ընթերցան առաջի բազմութեան զհրովարտակս Արքային , տըւեալ իւրաքանչիւր ազգաց , յորում յետ ծանուցանելոյ զնորոգութիւն տաճարին Ս . Յարութեան , խստագոյնս պատուիրէ Դատաւորաց և Վերակացուաց , չփոխել զնախնական դիրս , չյաւելուլ ինչ , եւ չանցանել զչափն և ըզսահմանն առաջին . եթէ ոք յանդգնեսցի գործել ընդդէմ օրինաց և Կայսերական հրամանին սակս իւրոյ ազաւութեան եւ զօչաքաղութեան՝ մուծանելով փոփոխութիւնս ինչ 'ի շինուածն , այնպիսին ոչ երբէք ունի զերծանիլ 'ի պատիժ պատուհասից : Ապա եհարց Ատեանն ցփոխանորդս երկց ազգաց , թէ զի՞նչ են կամք ձեր , եւ նոքա ետուն պատասխանի . քննել օրինօք դատարանի զբաժին տեղիս իւրաքանչիւր ազգաց և թոյլ տալ նորոգել նոցա զբաժինս իւրեանց , ըստ զօրութեան Կայսերական հրովարտակին : Ընկալեալ զայս Ատենակալաց՝ գնացին բազմութեամբ 'ի Ս . Յարութիւն , և ետուն քննել և չափել 'ի ձեռն ճարտարապետաց զբովանդակ տեղիս իւրաքանչիւր ազգի , և 'ի գիր հարեալ զայն՝ ետուն զմէն մի վաւերացեալ պատճէնս 'ի ձեռս իւրաքանչիւր ազգի . ապա այնուհետեւ սկիզբն արարին նորոգութեան : Հաննա վարդապետ նորոգեաց զբաժին տեղիս Հայոց , որք են . սենեակն զոյգ պատուհանաւ , որ հայի 'ի վերայ արտաքին մեծի դրան Ս . Յարութեան . ամբողջ եկեղեցին Վերնատան 37 վերելից քարեայ աստիճանօք նորին . Իւղարբերից սեղանն եւ երեք կամարքն անդ , Հանդերձ բաժանման խորանն , Լուսաւորիչ եկեղեցին 'ի վերայ այրի Գիւտոյ Խաչին , և զերիս սեղանս անդ . (այժմ երեւի միայն